

DINGHILIANA

Sardigna

Canta, Badda e Sona



*Po pipius de is 3 annus in susu
Ligi e sona in deretura*


Po mediri fàcili sa mùsica

IN S' ANTIGU NCI FIAT UNU PIPIU PÒBERU MEDA.
FIAT AICI PÒBERU CHI NON TENIAT MANCU SU NÒMINI E
TOTUS DDU ZERRIÀNT "OH!!!"



TRABALLÀT MEDA.

UNA DÌ, FIAT TRABALLANDU IN SU SARTU MESSANDU SU TRIGU.



FIAT ARRÒSCIU E PO SI PASIAI FIAT ANDAU A SI SETZI A
SUTA DE UNA MATA DE PARMA. TENIAT FÀMINI MEDA.




**COMENTI SI FIAT SÈTZIU , DE S'ÀRBURI, SI FIAT ISTACAU
S'ÙNICU FRUTU CHI SA MATA TENIAT E DDI FIAT ARRUTU
PRÒPIU A PITZU DE SA CONCA SUA FAENDI UNU SCIORROCU
MANNU**

SCIORROCPOOO!!!



E A PUSTIS, SU FRUTU, FIAT ARRUMBULAU A INTRU DE UNU
TUBU A S'URU DE SA CARRELA.

“OH” IAT PRANTU MEDA PO MORI DE SU DOLORI E SI DDI
FIAT PESAU UNU BÙNGIU¹ IN CONCA.



¹ burrutone, burrutzone, burutone, abbugnadura, abburrutonada, ammaciugadura, biaconcu, chirroi, buglione, bugnu , bumburusone, burrugnone, ciumbone, cocoroi , culcuvedhu, tzulumbone, tzumburisione, biaconcu, cucuàgiu, cucuatzu, cucuau, giumbu, tzulumbone, tzumburisione, giúmbu, giúmburu, tzoédhu, tzoéllu, tzulumbòne ecc.


MANCAI ESSAT MALASSORTAU ISSU ARRENSCIAT A BIRI SU
BONU IN TOTU SU CHI DDI CAPITAT.

E PURU CUSTA BORTA IAT PENSOU CHI A SU MANCU DDI
FIAT ARRIBAU UNU FRUTU CHI FAIAT A PAPPAI.



FIAT ANCORA PENSENDI CUSSUS FUEDDUS CHI FIAN
ARRIBADAS TRES FÈMINAS MISTERIOSAS.

DD' IANT NAU < O PIPPIEDDU E POITA SES PRANGENDI
MEDA? CÀSTIA CA NOSU SUFREUS CANTU A TUI. FUNT
TRES DÌS CHI NON PAPAUS E NIN BUFAUS>



DISPRÀGIU “OH” FIAT ANDAU A SU TUBU E ND’IAT BOGAU A FORAS SU COCU CHI SI FIAT ISTACAU DE SA MATA DE SA PARMA. SI FIAT GIRAU A IS TRES FÈMINAS E DDIS IAT NAU :< DEU NON TENGU NUDDA, S’UNICA COSA CHI SI POTZU DONAI EST CUSTU FRUTU CHI ND’EST ARRUTU DE SA MATA E MANCAI SIAT TOSTAU, IN SU CORU, TENIT UNU SÙCIU DURCI MEDA E SA PURPA SUA PARIT CHE PERDA DE TZUCURU.


IS FÈMINAS FIANT ABARRADAS MERAVILLIADAS MEDA DE SA BONESA DE CUSTU PIPIU.



MA CUSTAS TRES FÈMINAS MISTERIOSAS, IN BERIDADI
FIANT TRES MUSAS, CHI ISCINT RECONOSCI SU BONU
CORU DE IS PIPIUS, E AICI IANT DETZÌDIU DE DDU PREMIAI
CUN UNU DONU PRODIGIOSU

DDIANT NAU :< TUI NON TENIS SU NÒMINI TANDU BITU
CA SU FRUTU, RUENDI IAT FATU UNU SCIORROCU MANNU,
T'AS A TZERRIAI ROCU E BITU CA SU FRUTU EST UNU
BELLU COCU DE SA PARMA ,SU SANGUNAU TÙ AT A ÈSSIRI
COCU. PO AREGODAI SU SCIORROCU DE SU COCU.

ROCU COCU



MA IMOÌ ASCURTA BENI

TI EUS A IMPARAI UNA FÒRMULA MÀGICA. CUN CUSTA
FÒRMULA TUI AS AT PÒDIRI SONAI CALI CHI SI SIAT
ISTRUMENTU MUSICALI

S' ARTI DE SONAI AT A ESSI SU TRABALLU TU E CUSTU AT A
ÈSSIRI SU PANI TÙ.

ALLOGA BENI CUSTU COCU. EST MAGICOSU !!!!!!!!!!!

E A PUSTIS CHI DDI FAIS IS CARIGNUS NARA CUSTA
FÒRMULA MÀGICA.

Rocu Cocu - SONA SONA - CANTA BALLA - BIMBA BIMBÒ



S'ARMONIA EST SA PAXI

SALUDI !!!! DEU SOI
ROCU COCU
SU COGU DE SA MUSICA

IMPARA CUN MEI IS PARAULAS MAGICOSAS

RO	CU	CO	CU
SO	NA	SO	NA
CAN	TA	BAL	LA
BIM	BA	BIM	BO



Rocu Cocu de pintai

BENI MEDA !!!!!!!!!!!!!

**PO NO ISCARESCI CÀSTIA CUSTUS DISEGNUS CHI TI FAINT
AREGODAI IS FUEDDUS**



Ro-cu-Co-cu

So-na-so-na

Can-ta-bal-la

Bim-ba bim-bo

**A OGNI IMÀGINI CURRISPUNDIT UNU INCONEDDU DE SA CANTZONI MIA...
IMOI DDA PODIS RITAGLIAI PURU, AMESTURAI E INVENTAI UNA CANTZONI NOA.**

PROVA MEDA NON TIMAS

**DE SA PRÒSSIMA PÀGINA T'APP AT IMPARAI A SONAI CUSTA CANTZONI CUN
SÌMBULUS SPANTOSUS MEDA.**